

供养佛舍利的功德有多大？看这篇就够了！

地藏占察入净土 2021-01-15

舍利分哪些种类？

舍利是梵文，意为骨身，或灵骨，或谓坚固子。

在佛教中，舍利通常指佛陀，高僧圆寂后遗留下来的身骨，头发或遗体，火化时结成的结晶体，它作为佛教的圣物而受到尊崇。

舍利有身骨舍利和法身舍利之两种。

佛的遗骨叫作身骨舍利，法门寺佛指舍利，是迄今世界唯一仅存的佛指舍利。

佛经叫作法身舍利，表示佛的教法不灭。

舍利有全身舍利、碎身舍利之分。

舍利为释迦圆寂荼毗后，当时印度境内有八国国王分得了佛陀的舍利，并建塔供养。一百六十年之后，统一印度的阿育王，又将舍利分藏于众多的佛塔内分布各地。

广东南华寺保存完好的六祖慧能禅师的真身，称为全身舍利。

复有生身舍利和感生舍利之别。

拜佛见舍利，眉间取舍利，雕佛锈像得舍利，花端剃发得舍利等，这种舍利非有关生理现象，亦非任何药品凝结或人工制造。而是长期修炼戒定慧，持诚心得得，称为感生舍利。

生身舍利即佛陀和祖师们的全身舍利和碎身舍利。

舍利的颜色常见的有三种，白色的是骨舍利；黑色的是发舍利；赤色的是肉舍利。唯佛舍利有五色，神通变化不为一切物所坏故。

供养舍利功德，你了解多少？



1.大正藏第01册 No.0081 分别善恶报应经

【“若复有人，于如来塔施花供养，功德有十。何等为十？一色相如花，二世间无比，三鼻根不坏，四身离臭秽，五妙香清淨，六往生十方淨土见佛，七戒香芬馥，八世间殷重得大法乐，九生天自在，十速证圆寂；如是功德，以花供养佛舍利塔获如斯果。”】

.....

【“若复有人，施灯供养佛舍利塔，获十功德。云何十种？一肉眼清淨，二获淨天眼，三离于三毒，四得诸善法，五聪明智慧，六远离愚痴，七不堕黑闇三涂，八尊贵自在，九往生诸天，十速证圆寂；如是功德，施灯供养佛舍利塔，获斯胜报。”】

.....

【“若复有人，施涂香供养如来之塔，获十功德。云何十种？一鼻根清淨，二身离臭秽，三身妙香洁，四形相端严，五世间恭敬，六乐法多闻，七尊贵自在，八声誉遐布，九命终生天，十速证圆寂；如是十种功德，布施涂香供养如来舍利之塔，获斯胜报。”】

.....

【“若复有人，于如来塔欢喜赞叹，获十八种胜妙功德。云何十八？一种族尊高，二形相端严，三圆满[月庸]直，四见闻欢喜，五资财无量，六眷属广大，七远离散坏，八尊贵自在，九恒生佛土，十声誉遐布，十一美德赞颂，十二四事丰足，十三天人供养，十四得转轮王，十五寿命延长，十六体坚金刚，十七命终生天，十八速证圆寂；如是功德，欢喜赞叹佛舍利塔，获斯胜报。”】

2.大正藏第02册 No.0125 增壹阿含经

【“如来身者金刚之数，意欲碎此身如芥子许，流布世间，使将来之世，信乐檀越不见如来形像者，取供养之因，缘是福祐，当生四姓家、四天王家、三十三天、艳天、兜术天、化自在天、他化自在天；因此福祐，当生欲界、色界、无色界；或复有得须陀洹道、斯陀含道、阿那含道、阿罗汉道、辟支佛道，若成佛道。”】

3.大正藏第03册 No.0160 菩萨本生鬘论

【佛言：“阿难！此大长者，虽获其福犹有限量。不如有人于佛灭后，以敬慕心求一舍利，至极微细如芥子许，造塔供养，其量正等一庵摩果。塔心之木坚直如针，上施露盘犹如枣叶，中安佛像量同[麥廣]麦，或香或灯随分供养。阿难！以彼长者所作福行，类修佛塔不可为比。以要言之，若以造塔所有胜报，分为百分不及其一，千万亿分亦不及一，乃至算数譬喻所不能知。”】

4.大正藏第04册 No.0194 僧伽罗刹所集经

【“若我取灭度后，彼若供养舍利如芥子等，此功德无有限。”】

5.大正藏第04册 No.0201 大庄严论经

【“如须弥罗为得地故掷杖使去，佛亦如是，入涅槃时为济众生故，碎身舍利，八斛四斗，利益众生，所碎舍利虽复微小如芥子等，所至之处人所供养与佛无异，能使众生得于涅槃。”】





北京灵光寺佛牙舍利

6.大正藏第05册 No.0220 大般若波罗蜜多经(第1卷-第200卷)

【佛言：“憍尸迦！我还问汝，随汝意答。若善男子、善女人等从他请得佛设利罗，以宝函盛置高胜处，复持无量上妙花鬘、涂散等香、衣服、缨络、宝幢、幡盖、众妙、珍奇、伎乐、灯明，尽诸所有供养恭敬、尊重赞叹。有善男子、善女人等从他请得佛设利罗，分施与他如芥子许，令彼敬受如法安置，复以无量上妙花鬘、涂散等香、衣服、缨络、宝幢、幡盖、众妙、珍奇、伎乐、灯明，尽诸所有供养恭敬、尊重赞叹。于意云何？如是前后二种福聚何者为多？”】

天帝释言：“世尊！如我解佛所说法义，若善男子、善女人等从他请得佛设利罗，以宝函盛置高胜处，复持无量上妙花鬘、涂散等香、衣服、缨络、宝幢、幡盖、众妙、珍奇、伎乐、灯明，尽诸所有供养恭敬、尊重赞叹。有善男子、善女人等从他请得佛设利罗，分施与他如芥子许，令彼敬受如法安置，复以无量上妙花鬘、涂散等香、衣服、缨络、宝幢、幡盖、众妙、珍奇、伎乐、灯明，尽诸所有供养恭敬、尊重赞叹。此二福聚后者为多。何以故？一切如来、应、正等觉本以大悲观有情类，应于诸佛设利罗所归敬供养而得度者，以金刚喻三摩地力，碎金刚身令如芥子，复以深广大悲神力加持，如是佛设利罗令于如来般涅槃后，有得一粒如芥子量，种种供养其福无边，于天人中受诸妙乐，乃至最后得尽苦际，故施他者其福为多。”】

7.大正藏第08册 No.0223 摩诃般若波罗蜜经

【“世尊！若有善男子、善女人供养舍利，恭敬尊重赞叹，其功德报不可得边。受人中、天上福乐，所谓刹利大姓、婆罗门大姓、居士大家，四天王天处乃至他化自在天中受福乐。亦以是福德因缘故当得尽苦。”】

……

【“佛告释提桓因：“憍尸迦！我还问汝，随汝意报我。若有善男子善女人供养诸佛舍利，恭敬尊重赞叹华香乃至幡盖。若复有人分舍利如芥子许与他人，令供养恭敬尊重赞叹，华香乃至幡盖。其福何所为多？”】

“释提桓因白佛言：“世尊！如我从佛闻法中义，有善男子、善女人自供养舍利乃至幡盖。若复有人分舍利如芥子许与他人令供养，其福甚多。世尊！佛见是福利众生故，入金刚三昧中碎金刚身作末舍利。何以故？有人佛灭度后供养佛舍利乃至如芥子许，其福报无边乃至尽苦。”】

8.大正藏第08册 No.0227 小品般若波罗蜜经

【佛言：“憍尸迦！我还问汝，随意答我。于意云何？若有人得佛舍利，但自供养；若复有人得佛舍利自供养，亦与他人令供养。是二功德，何所为多？”释提桓因言：“世尊！若人得佛舍利自供养，亦与他人令供养，其福甚多。”】

9.大正藏第08册 No.0261 大乘理趣六波罗蜜多经

【“复次，慈氏！如来在世，一切有情而以种种上妙衣服、房舍、卧具、饮食、汤药、酥灯、油灯、瞻卜油灯、种种花香，以奉供养尊重恭敬歌呗赞叹，于佛灭后取佛舍利起窣堵波，亦作如上种种供养尊重赞叹。如是二事，功德果报等无差别。”】

注：窣堵波，亦作“窣堵坡”。梵语stūpa的音译。即佛塔。

10.大正藏第09册 No.0267 不退转法轮经

【“阿难！若以一华供养如来，及般涅槃后，为佛舍利起塔供养，亦得不退于阿耨多罗三藐三菩提。”】

11.大正藏第09册 No.0268 佛说广博严净不退转轮经

【“若有众生，我泥洹后形像舍利，能持一华以供养者，如是众生亦于阿耨多罗三藐三菩提不退转。”】

12.大正藏第11册 No.0320 父子合集经

【“如是所有众生类，各于舍利兴供养，咸登寂静甘露门，一切如来所称叹。”】



法门寺佛指舍利



13.大正藏第12册 No.0377 大般涅槃经后分

【阿难复白佛言：“若佛现在，若复有人，如上深心，一切供养、恭敬如来；佛涅槃后，若复有人，如上深心，供养、恭敬半身舍利。世尊！如是二人，所得福德何者为多？”】

佛告阿难：“如是二人，深心供养，得福无异，所得福德无量无边。阿难！若佛灭后，若复有人，深心供养如来舍利四分之一、八分之一、十六分之一、百分之一、千分之一、万分之一、恒河沙分之一，乃至如芥子许，皆以深心供

养、恭敬、尊重、赞叹；若佛现在，若复有人，深心供养、恭敬如来。如是二人，所得福德皆悉无异，其福无量不可称计。阿难当知，若佛现在、若涅槃后，若复有人深心恭敬、供养、礼拜、尊重、赞叹，如是二人，所得福德无二无别。”

佛告阿难及诸大众：“我涅槃后，天上、人间一切众生，得我舍利，悲喜交流，哀感欣庆，恭敬、礼拜、深心供养，得无量无边功德。阿难！若见如来舍利即是见佛、见佛即是见法、见法即是见僧、见僧即见涅槃。阿难！当知以是因缘，三宝常住，无有变易，能为众生作归依处。”】

14.大正藏第12册 No.0380 大悲经

【尔时，世尊复告阿难：“我灭度后，若有善男子、善女人，若在家、若出家，乃至供养我之舍利如芥子等，恭敬尊重、谦下供养；我说是人以此善根，一切皆当得涅槃果、尽涅槃际。阿难！若我灭后，所有善男子、善女人心生敬信，为我造立形像塔庙。阿难！应生深信，慎莫疑惑，我说是人以此善根，一切皆当得涅槃果、尽涅槃际。阿难！且置现在供养我者、且置我灭度后供养如芥子等舍利者、且置为我造立形像及塔庙者。阿难！若有信心念佛功德，乃至一花散于空中，我说是人以此善根，一切皆当得涅槃果、尽涅槃际。阿难！若复有人见佛世尊神通威力，为供养故，乃至一花散于空中，犹能得涅槃果，何况亲承如来而供养者，及我灭后供养舍利者？阿难！诸佛境界不可思议，若复有人能供养者，所得福德亦不可思议。阿难！若人念佛乃至一花散于空中，我以佛智见知是人所得果报不可思议，汝应当信。何况未来所有佛子深得敬信、思惟佛功德、求佛智者？”】

……

【“阿难！且置亲承供养我者、且置供养我如芥子等舍利者、且置为我造立形像及诸塔庙而供养者、且置以念佛故乃至一花散于空中而供养者。若复有人在于室内以念佛故，乃至一花散于空中，阿难！我说是人当得涅槃、得第一涅槃、尽涅槃际、最胜涅槃、妙涅槃、清净涅槃、安住涅槃。阿难！以是因缘，诸福田中佛为最、佛为王。何以故？施佛田者，非谓世间果报所能尽也；以是因缘，于佛福田为最第一。阿难！诸佛如来——顺正道者——能作无上究竟福田，于佛福田所有施者，必穷尽涅槃际、得第一涅槃。”】

15.大正藏第13册 No.0411 大乘大集地藏十轮经

【佛言：“善男子！如是如是，如汝所说。又善男子！假使有人，出现世间具大威力，为佛舍利起宰堵波，严丽高广，量等三千大千世界；如前所说，为四方僧造寺福聚；类此所说为佛舍利起宰堵波所获福聚，于百分中不及其一，于千分中亦不及一，于百千分亦不及一，于俱胝分亦不及一，那庾多分、数分、算分、计分、喻分乃至邬波尼杀昙分亦不及一。”】

16.大正藏第13册 No.0414 菩萨念佛三昧经

【又，不空见！若是菩萨复具三法当得此定，疾成无上菩提之道。何者为三？所谓供养现在诸佛及以灭度如来舍利。若以花、香、幢盖、缯幡、种种珍妙而以奉献，若自供养、劝人令行。复应发愿，作如是言：“以我善根布施因缘，愿得诸佛所说三昧。”又，不空见！复当赞叹现在如来、般涅槃佛真实功德，赞戒功德、定、慧解脱、解脱知见、威仪、神通、教化辩才、阿兰若行，及以慈悲喜舍之法。复更殊胜赞叹佛法仪容相好、无量功德。既赞叹已，复发愿言：“若我赞叹诸佛功德设获微福，以此善根当得诸佛所说三昧，疾当得成无上菩提。”】



南京栖霞寺佛顶骨舍利（现供奉于南京牛首山佛顶宫）



17.大正藏第14册 No.0532 私呵昧经

【佛尔时将灭度，为一切现安隐。

为十方留五分，悉愍伤人非人。

住舍利于世间，为一切破碎骨。

如芥子深粟分，其得者莫不尊。

其于是供养者，人非人快无极。

于天上及人中，所生处无勤苦。

如见我供养时，灭度后及舍利。

其有意清净者，是二事无差特。】

18.大正藏第14册 No.0548 佛说金光王童子经

【后入于圣道，乃至证涅槃。

又复有众生，得遇于佛塔，

中有设利罗，细与微尘等，

是人心欢喜，作种种供养，

当获大福聚，如前等无异。】

19.大正藏第16册 No.0664 合部金光明经

【“善哉。王子！我等愿欲恭敬供养世尊之身，是故欲得如来舍利是芥子许。所以者何？如我所闻：若善男子及善女人恭敬供养如来舍利，六天帝主富贵安乐必得无穷。”】

.....

【“若善男子及善女人得佛舍利如芥子许，置小塔中暂时礼拜、恭敬、供养，功德无边，是人命终作六天主，受上妙乐不可穷尽。”】

20.大正藏第16册 No.0665 金光明最胜王经

【“汝等当知，是谓涅槃真实之相。或时见有般涅槃者，是权方便，及留舍利令诸有情恭敬供养，皆是如来慈善根力。若供养者，于未来世，远离八难，逢值诸佛，遇善知识，不失善心，福报无边，速当出离，不为生死之所缠缚，如是妙行，汝等勤修，勿为放逸。”】

21.大正藏第16册 No.0669 佛说无上依经

【“阿难！且置北郁单越洲。天帝释天宫住处，有大飞阁名常胜殿，八万四千高楼围绕，八万四千青琉璃柱，真金宝网罗覆其上，金绳铃网四面张施，金银宝砂、栴檀香水、杂种天华洒布其地，八万四千绮饰窗牖，毗琉璃宝、因陀尼罗宝、颇梨宝、莲华色宝等间错庄严，八万四千扶栏阶道，纯青琉璃之所合成。阿难！若有清信善男子、善女人，造作如帝释天宫飞阁高楼常胜宝殿百千拘胝施与四方众僧；若复有人如来般涅槃后，取舍利如芥子大，造塔如摩罗子大，戴刹如针大，露槃如枣叶大，造佛形像如麦子大，此功德于前所说，百分不及一，千万亿分乃至僧祇数分所不及一，分分不相及，譬喻所不能及。何以故？如来无量故。阿难！且置如是功德。”】

.....

【“此阎浮提、西瞿耶尼、东弗于逮、北郁单越，大海须弥及铁围山，并娑诃世界碎为微尘，以此次第数，悉是须陀洹、斯陀含、阿那含、阿罗汉、辟支佛，若有清信善男子、善女人，尽形寿供养，若灭度后起塔供养。于意云何？是善男子、善女人得福多不？”

“甚多。世尊！甚多。修伽陀！”

佛告阿难：“若有善男子、善女人，佛涅槃后取舍利如芥子大，造塔如阿摩罗子大，戴刹如针大，露槃如枣叶大，造佛如麦子大，此功德于前所说，百分不及一，千万亿分不及一，乃至算数譬喻所不能及。阿难！若此功德不回向阿耨多罗三藐三菩提，此功德聚所获福报，尽娑诃世界微尘数，作他化自在天王、化乐天王、兜率陀天王、夜摩天王、三十三天王，况复转轮圣王。”】



22.大正藏第16册 No.0692 佛说作佛形像经

【“作佛形像，后世死，不复更泥犁、禽兽、薜荔恶道中生。其有人见佛形像，以慈心叉手，自归于佛塔、舍利者，死后百劫不复入泥犁、禽兽、薜荔中，死即生天上。天上寿尽，复来下生世间，为富家作子，珍宝奇物不可胜数，然后会当得佛泥洹道。”】

23.大正藏第16册 No.0697 佛说浴像功德经

【“若善男子，善女人等，供养舍利，造佛形像如大麦等，造塔如庵罗果，表刹如针、盖如浮萍；持佛舍利，如芥子大安置其中，所得功德，如我在世等无差别。如是之人得十五种功德：一者、得净念心。二者、得顺法心。三者、得惭愧心。四者、得见如来。五者、发净信心。六者、能持正法。七者、如说修行。八者、得亲近诸佛。九者、诸佛国土随意受生。十者、若生人中生大姓家，其心柔软人所敬重。十一者、才生人中得念佛心。十二者、诸魔军众不能恼乱。十三者、于末法时能护正法。十四者、常得十方诸佛如来恒加覆护。十五者、速得成就五分法身。”】

.....

【若以清净心，于如来灭后。

供养舍利者，或造于塔庙。

及如来形像，于彼塔像前。

扫涂漫陀罗，以种种花香。

散布于其上，以诸妙香水。
而浴于佛像，上妙诸饮食。
净持以供养，赞礼佛功德。
无量难思议，智慧及神通。
诸善巧方便，悉皆到彼岸。】

24.大正藏第19册 No.0962 宝悉地成佛陀罗尼经

【佛复告言。善男子等。假使世间若有愚童有情愚夫有情。愚惑有情老耄妇女愚痴僧尼。如是有情得佛设利乃至一粒分散一分。及与设利所置之物。带于身上不论昼夜。若净若不净。若触若不触。不离其身常可带之。所获功德无有所计比量。若顶上若颈上。若心前若背后。若两脇若腰间带设利者。譬如世间犀牛之角。若人带之离水六尺。带设利者亦复如是。离一切罪业恶业恶趣不能染着。善根渐生恶障渐离。善人自遇恶人自去。所作事业皆同佛行。同释迦牟尼如来故。其身即是世间应化故。即是清净法身大毗卢遮那佛。其人必入大涅槃位。于现身中证得无相法身大精进峰。是故当知十二天金刚天等。一切灵祇常当守护。寿命延长见百秋已。命终决定上生都史多天宫闻法爱乐。更随志愿亦得往生十方净土。见佛闻法证不退地。】

25.大正藏第21册 No.1331 佛说灌顶经


【佛语阿难我今于此大众之中。广说舍利福德因缘。此舍利者虽如麻米各有威神。我灭度后若有善男子善女人等。至心思念欲起塔寺。专心一意思念舍利。舍利为感。便得起塔以为供养。遂其本心不违本愿。故言舍利虽如麻米大有威神。若有善男子善女人等起于冢塔。亦感四天三十三天。雨天细末种种杂香。以用供养散此塔上。缘此功德长得值佛不堕八难。积功累德至成正觉。】

26.大正藏第21册 No.1356 佛说华积陀罗尼神咒经

【若复有人见佛世尊。心生欢喜尊重赞叹。以诸供养施于如来。又复有人于如来灭后。若见舍利心生欢喜。是二功德等无有异。

.....

【若复有人如来灭后发菩提心。以一香华入僧伽蓝。举足下足作如是言。南无世尊。以此深解殷重信心。供养如来舍利宝塔。不求报不以疑惑。未得解脱中间。若千万亿劫不堕恶道。】





27.大正藏第21册 No.1357 佛说师子奋迅菩萨所问经

【若有众生见一切智。清净信心供养恭敬尊重赞叹。施诸所安衣服饮食卧具医药安身所须。以如是等现在供养。若复有人于佛灭后供养舍利如芥子许。是二人福正等无异。】

28.大正藏第21册 No.1359 佛说花积楼阁陀罗尼经

【善男子又复如来住世百年千年。乃至百千年应化毕已。般涅槃后以佛舍利而起妙塔。若复有人于此塔所。以香泥涂地作曼拏罗。施設花鬘涂香烧香然灯志心供养。乃至持一花一灯以为供养。或持帚拂除去尘坌。或以一掬水用为洒净。如是之人以志心故获福无量。是人先世所有罪业当堕阿鼻地狱。以于塔所作供养故。先世罪报皆悉除灭。】

29.大正藏第25册 No.1509 大智度论

【是善男子、善女人，供养恭敬舍利故，受天上、人中福乐，常不堕三恶道；】

.....

【此中自说因缘：“世尊！我不敢轻慢、不恭敬舍利，我知供养芥子许舍利，功德无量无边，乃至得佛功德不尽，何况满阎浮提！世尊！菩萨受身便有舍利，人所不贵；得成佛时，舍利以般若熏修故，人所恭敬尊重供养。是故二分中，我取胜者。”】

.....

【“世尊！若有善男子、善女人供养舍利，恭敬尊重赞叹，其功德报，不可得边，受人中、天上福乐，所谓刹利大姓、婆罗门大姓、居士大家、四天王天处乃至他化自在天中受福乐；亦以是福德因缘故，当得尽苦。】

.....

【有人佛灭度后，供养佛舍利，乃至如芥子许，其福报无边，乃至苦尽故。】

.....

【般涅槃后，碎身舍利，与人供养，久后皆令得道。】

30.大正藏第26册 No.1521 十住毗婆沙论

【灯施得天眼者。若人燃灯供养佛声闻辟支佛及塔像舍利。以是因缘得天眼报。

.....

【若众生供养佛者。则多所利益。欲令众生供养佛故。即自一心供养于佛及形像舍利。众生信受则便随效供养于佛。种人天因缘。住于三乘菩萨。】





31.大正藏第30册 No.1577 大丈夫论

【以我华幢盖供养佛塔因缘功德。使一切众生得高胜福。以我幡供养舍利功德因缘。使一切众生除闇得明。以铃声供养因缘。使一切众生得梵音声。以香华璎珞供养因缘功德。使一切众生除诸结使垢烦恼臭秽。】

32.大正藏第32册 No.1635 大乘宝要义论

【如大悲经云。佛言。阿难。若人于我现前供养。且置是事。又若有人于我涅槃后。收取舍利如芥子许。作诸供养。亦置是事。又若有人。于我法中造立宝塔。复置是事。若或有人。但以一华散掷空中。观想诸佛而为供养。我说是人以此善根。毕竟趣证大涅槃果。】

33.大正藏第32册 No.1686 贤圣集伽陀一百颂

【若于塔庙安舍利，及画佛像而供养，得彼智光极大地，善逝净妙佛富贵，安住无边众生界，同入平等无相性。】







結緣  從這裏開始 ▶

占察净土一相逢，生活修行再不同。

两大愿王亲摄取，直登九莲出牢笼。



扫描二维码关注

地藏占察入净土